

Al-Shaykh Muḥammad Aḥmad Bākbaş

Naib Pengarah al-Bank al-Ahlī

kembali ke rahmatullah di Jeddah

Suatu berita yang sedih telah disampaikan kepada kita bahawa al-Shaykh Muḥammad Aḥmad Bākbaş, Naib Pengarah al-Bank al-Ahlī al-Tijārī di Jeddah telah kembali ke rahmatullah Ta‘ālā. Almarhum adalah sahabat baik kepada tuan punya majalah Qalam ini, Abdullah bin Hamid al-Edrus. Almarhum pernah datang ke Singapura.

Almarhum diperanakkan pada tahun 1335H (1915) di Hadhramaut. Dalam usia 8 tahun telah meninggalkan

kuning.

Kalau sama perjuangan PETIR dengan perjuangan Nabi Muhammad (S.A.W) maka salah satu anjuran Nabi Muhammad menegah kejahatan dengan amalan dan dengan perbuatan dan Allah sangat murka kepada perkataan-perkataan menyeru-nyeru kebaikan tetapi tidak diamalkan menurut ajaran Islam sebagaimana firman-Nya yang maksudnya: “Mengapa kamu berkata apa yang tidak kamu kerjakan? Sangat besar kemurkaan di sisi Allah lantaran kamu berkata apa yang kamu tidak kerjakan.”

Peringatan ini hendaklah diperhati oleh tiap-tiap orang yang beragama Islam. Janganlah cuba membabit-babit agama kerana menguatkan kedudukan diri di dalam menjaga kemaslahatan dengan tidak beramal dengan apa dikatakannya. Kemurkaan Allah akan tiba dengan tidak tentu saatnya kepada perseorangan atau kepada umum dan dengan kerana itu kalau kita mengaku beragama Islam berhati-hatilah jangan cuba memperalat agama kerana sangat buruk padahnya.

tanah airnya, berhijrah ke Saudi ‘Arabiyyah. Ia belajar di Madrasah al-Falāh di Jeddah sehingga berjaya mendapat ijazah menengah. Kemudian beliau berpindah ke Makkah al-Mukarramah dan bekerja menjadi salah seorang pegawai perniagaan di gedung perniagaan al-Shaykh ‘Abd al-‘Azīz Ka‘kī. Beberapa tahun kemudian beliau berpindah bekerja kepada seorang sahabatnya Sālim bin Maḥfūz yang telah membuka bank yang masyhur, al-Bank al-Ahlī al-Tijārī. Kerana kesungguhan dan kerana kerajinannya almarhum dilantik menjadi naib pengaruhnya.



Almarhum al-Shaykh Muḥammad Aḥmad Bākbaş

Dalam masa memegang jawatan itulah almarhum mengidap penyakit sendi dan buah pinggang selama sepuluh tahun dirawat oleh seorang doktor khas. Akhirnya almarhum terpaksa menjalankan suatu pembedahan buah pinggangnya dan demikian selama tiga tahun almarhum hidup dengan satu buah pinggang sahaja. Pada tiga bulan yang lalu, dalam musim haji beliau berada di Eropah berubat dan sesudah musim haji almarhum balik dengan sihat dan meninggal pada 10 Rabi‘ al-Awwal 1386 dalam usia 51 tahun. Mudah-mudahan roh almarhum ditempatkan bersama-sama *awliyā’ al-ṣolihīn* di *Jannah al-Na‘īm*

Berita-berita pendek

Menurut berita dari Rabat, Tuan Idris Muhammadi Direktor Jeneral Kabinet Diraja Morocco (*Morocco Royal Cabinet*) telah berangkat menuju ke Riyadh melalui Paris kerana membawa perutusan dari al-Malik Hassan raja bagi Morocco kepada al-Malik Faisal raja bagi kerajaan Saudi Arabia. Apa jenis perutusan itu tidak pula disebut.

* * *

Menteri Luar kerajaan Kuwait telah menafikan suatu berita palsu yang mengatakan bahwa Kuwait sedang berusaha hendak mengadakan sebuah pakatan bagi mengasaskan negara persatuan di negeri dalam kawasan Teluk Arab. Berita ini terbitnya daripada lawatan amir Kuwait ke negeri-negeri Bahrain, Qatar, Abu Dhabi, Dubai, Sharjah⁵, Amman, Umm al-Quwain dan Ras al-Khaimah yang memakan masa dari 10 hingga 16 Mei 1966 yang lalu. Sebenarnya lawatan tersebut – kata Menteri Luar Kuwait itu – bertujuan hanya semata-mata untuk mencari persahabatan dan memperkuatkhan tali persaudaraan dan memperkuatkan tenaga kerjasama dengan semua negara-negara Arab, dengan harapan segala perselisihan dan salah faham di antara satu sama lain dapat dihapuskan.

dan dikurniakan sabar kepada keluarganya – amin.

Tuan punya majalah ini mengucapkan takziah kepada keluarga almarhum. Almarhum terkenal seorang yang baik budi bahasa dan tegur sapa kepada orang yang berjumpa dengannya.

⁵ Merujuk kepada Sharjah.